



Sabtu, 1 Januari 2022
Ogen: Filipi 3:13-14



Erpala-pala



Selamat Tahun baru, man kerina Moria si tutus terpaksa teneng. Meriah ukurta wari enda bengket ku bas tahun si mbaru, tahun si dem pengarapen ras perkuah ate Tuhan. Ndalani tahun si mbaru, biasana alu semangat si mbaru, erburak-burak pusuh i bas ndahiken dahin, cirem dengen siang ayo, la tempa gejap latih ndalani wari e, janah si latih e pe jadi keriahen. Kai nge kira-kira si erbahansa meriah ukur?

Paulus encidahken semangat ndalani kegeluhen erkieken lit si man ayakenna, desken sada piala kemenangen. Piala e enggo lit amin pe ndauh denga arah lebena, piala e enggo idahna, ras e isikapken man bana. E maka meriah akapna, amin lenga icikepna. Piala si jadi perayakenna, emaka gedang-gedang wari kiam ia ngayakisa amin pe erpala-pala. La ia nggit nilah i bas dalam e nari, sabap dalam e ngenca banci mabai ia guna ndatken piala e. Amin pe megati dalam e erlubang entah lit tonggar-tonggar, ibentasina nge kerina, la ia nggit surut sada langkah pe gelah datna kal piala kemenangen e.

Erpala-pala e me tanda ketutusan ndalani kegeluhen. Benaken i bas wari pemena tahun si mbaru e si tuduhkan ketutusan ateta, ngayaki tujun nggeluh e me kemenangen si iisikapken Dibata man banta. Situhuna kemenangen e enggo lit, enggo isikapken, tapi arus lit perjuangenta ndatkensa. Guna banci kita ndatken kemenangen e kita arus tetap i bas dalam Tuhan. Kai pe si ngambati kita, entah si ngajuk kita gelah nilah i bas dalin Tuhan nari, enda man talunken. Erkiteken si e me maka perlu kal kita erpala-pala. Kerina rencana si enggo si bahan guna tahun enda, erpala-palalah kita ndahikensa sue ras sura-sura Tuhan. Perbulangen, anak-anak ras kerina se isi jabu min tetap erdalan i bas dalam Tuhan, persada arih gelah meriah ukur ndalani kegeluhen. Perduiten keluarga tetap ipake riktken sura-sura Tuhan. Kemenangen e enggo jadi sikerajangenta.